

Shona - Kununurwa MuMagwaro - Deliverance Scriptures

Numeri 10:35 Paingosimuka areka, Mozisi aiti, "Haiwa Jehovha, simukai!

Vavengi venyu ngavaparadzirwe, vavengi venyu ngavatize pamberi penyu.”

Dhuteronomi 23:5 Asi, Jehovha Mwari wenu haana kuteerera Bharamu asi akashandura kutuka akakuropafadzai, nokuti Jehovha Mwari wenu anokudai. (Nehemia 13:2)

MaPisarema 44:4 Ndimi Mambo wangu naMwari wangu, anorayira kukunda kwaJakobho.

Isaya 61:1 Mweya walshe Jehovha uri pamusoro pangu, nokuti Jehovha akandizodza kuti ndiparidze vhangeri kuvarombo. Akandituma kuti ndirape vane mwoyo yakaputsika, kuti ndiparidze kusunungurwa kwavakatapwa, nokubudiswa kwavasunqwa kuti vabve murima. (Ruka 4:18)

Mateo 8:16 Ava

madekwana, vazhinji vakanga vakabatwa namadhimoni vakauyiswa kwaari, uye akadzinqa mweya iyoyo neshoko akaporesa vose vairwan

**Mateo 10:1,8 Akadana vadzidzi vake gumi navaviri akavapa simba rokudzinga
mweya yakaipa nokuporesa marudzi ose ezvirwere namarudzi ose ehosha.
(Mako 3:14,15) 8 Poresai vanorwara, mutsai vakafa, natsai vaya vana
maperembudzi. dzingai madhimoni. Makangoqamuchira. chingopai henvu.**

Mateo 12:26-29 Zvino kana Satani achibudisa mumwe Satani, zvinoreva kuti anozvipesanisa. Saka umambo hwake hungamira sei? 27 Zvino kana ini ndichibudisa madhimoni naBheerizebhuhbi, ko, vanakomana venu vanoabudisa naani? 28 Asi kana ndichibudisa madhimoni noMweya waMwari ipapo umambo hwaMwari hwasvika kwamuri. 29 “Uyezve, munhu angapinda sei mumba momunhu ane simba uye agoenda nezvinhu zvake asina kutanga asunga munhu uyu ane simba? Ipapo anogona kuzopamba imba yake. (Mako 3:23-27)

Mateo 12:43-45 “Kana mweya wakaipa wabva pano munhu, unofamba-famba nomunzvimbo dzakaoma uchitsvaka zororo asi unorishaya. 44 Ipapo unoti, ‘Ndichadzokera kumba kwandakabva.’ Kana wasvika, unosvikowana imba iya isina ageremo, asi yakanyatsotsvairwa zvakachena nokunyatsorongedzwa zvakanaka. 45 Ipapo unobva waenda kundotsvaka mimwe mweya minomwe yakaipa kukunda iwo, uye inopinda igogaramo. Uye kупедзисира kwomunhu uyu kwakaipa kupfuura kutanga kwake. Ndizvo zvazvichaita norudzi urwu rwakaipa.”

**Mateo 15:22,26,28 Mumwe mukadzi muKenani womunzvimbo iyi akauya
achidanidzira achiti, "Ishe, mwanakomana waDhavhidhi, ndinzwirei ngoni!
Mwanasikana wangu ari kutambudzwa zvikuru nedhimoni rakamubata." 26
Akapindura akati, "Hazvina kunaka kutora chingwa chavana
muchichikandira imbwa." 28 Ipapo Jesu akapindura akati, "Mai, mune**

kutenda kukuru! Chikumbiro chenyu chanzwikwa.” Mwanasikana wake akabva aporeswa kubva panguva iyoyo.

Mateo 16:19 Ndichakupa kiyi dzoumambo hwokudenga; chose chaunosunga pano pasi chichasungwa kudenga, uye chose chaunosunungura pano pasi nokudenga chichasunungurwa.” (Mateo 18:18)

Mateo 17:19-21 Ipapo vadzidzi vakauya kuna Jesu vari voga vakamubvunza vachiti, “Ko, takonewa sei kuridzinga?” 20 Akavapindura achiti, “Nokuda kwokuti mune kutenda kudiki. Ndinokuudzai chokwadi kuti dai maiva nokutenda kudiki hako semhodzi yemasitadhi maigona kuti kugomo iri, ‘Ibva apa uende uko,’ zvichiitika. Hapana chamunozokundikana kuita. 21 Asi rudzi urwu rwomweya runongobviswa chete nokunyengetera nokutsanya.”

Mako 1:23-26,32-34,39 Pakarepo mumwe munhu akanga ari musinagogē ravo akanga akabatwa nomweya wakaipa akadanidzira achiti, 24 “Munodeiko kwatiri, imi Jesu weNazareta? Mauya kuzotiparadza here? Ndinoziva kuti ndimi ani—ndimi Mutsvene waMwari!” 25 Jesu akamurayira akati, “Nyarara! Buda maari!” 26 Mweya wakaipa wakamuzunza-zunza ndokubva wabuda maari nenzwi guru. 32 Manheru acho iwayo zuva ravira, vanhu vakauya kuna Jesu navose vairwara navakanga vakabatwa namadhimoni. 33 Guta rose rakaungana pamukova, 34 uye Jesu akaporesa vazhinji vakanga vane zvirwere zvakasiyana-siyana. Akadzingawo madhimoni mazhinji, asi akanga asingatenderi madhimoni kuti ataure nokuti akanga achiziva kuti iye ndiani. 39 Saka akafamba nomuGarirea yose, achiparidza mumasinagogē avo uye achidzinga madhimoni.

Mako 5:8 Nokuti Jesu akanga ati kwaari, “Buda mumunhu uyu, iwe mweya wakaipa!”

Mako 6:7,13 Akadana kwaari vane gumi navaviri akavatuma vari vaviri vaviri uye akavapa simba pamusoro pemweya yakaipa. 13 Vakadzinga madhimoni mazhinji uye vakazodza mafuta vanhu vazhinji vairwara uye vakavaporesa.

Mako 9:23-25,29 Jesu akati, “Kana muchigona? Zvinhu zvose zvinogoneka kuna anotenda.” 24 Pakarepo baba vomukomana vakadanidzira vachiti, “Ndinotenda; ndibatsirei pakusatenda kwangu!” 25 Jesu akati aona kuti vanhu vazhinji vakanga vomhanyira panzvimbo iyo, akarayira mweya wakaipa akati, “Iwe mweya woumatsi nomweya woumbeveve, ndinokurayira, buda maari, uye usazopindazve maari.” 29 Akapindura achiti, “Rudzi urwu runongobva chete nokunyengetera nokutsanya.”

Mako 9:38,39 Johani akati, “Mudzidzisi, taona munhu achidzinga madhimoni muzita renyu uye tikamudzivisa, nokuti anga asiri mumwe wedu.” 39 Jesu akati, “Musamudzivisa. Hakuna munhu anoita chishamiso muzita rangu angazotaura zvakaipa pamusoro pangu panguva dzinotevera,

Mako 16:17 Uye zviratidzo izvi zvichatevera vanotenda: Vachadzinga mweya yakaipa muzita rangu, vachataura nendimi itsva;

Ruka 4:34-36 “A! Munodeiko kwatiri imi Jesu weNazareta? Ko, mauya

**kuzotiparadza kanhi? Ndinoziva kuti muri ani, muri Mutsvene waMwari!" 35
Jesu akauryira achiti, "Nyarara! Buda maari!" Ipapo dhimoni rakaputsira
murume uyu pasi pamberi pavo vose rikabuda risina kumukuvadza. 36
Vanhu vose vakashamiswa vakataurirana vachiti, "Kudzidzisa uku ndokupi?
Anorayira mweya yakaipa nechikuriri uye nesimba uye ichibuda!"**

**Ruka 4:41 Pamusoro paizvozvo, madhimoni akabuda muvanhu vazhinji,
achidanidzira achiti, "Ndiwe mwanakomana waMwari!" Asi iye akaatsiura
akasaatendera kuti ataure, nokuti iwo aiziva kuti ndiye Kristu.**

**Ruka 7:21 Panguva iyoyo Jesu akaporesa vazhinji vakanga vane zvirwere,
hosha nemweya yakaipa uye akasvinudza vazhinji vakanga vari mapofu.**

**Ruka 8:29 Nokuti Jesu akanga arayira mweya wakaipa kuti ubude maari.
Kazhinji waimubata, uye kunyange akange akasungwa nenetani mumaoko
nomumakumbo uye akarindwa, aidambura ngetani uye oendeswa
nedhimoni kurenje.**

Ruka 9:40 Ndakakumbira vadzidzi venyu kuti vaudzinge, asi vakasagona."

**Ruka 10:17-20 Vana makumi manomwe vakadzoka nomufaro vakati, "Ishe,
kunyange madhimoni anozviisa pasi pedu muzita renyu." 18 Akati kwavari,
"Ndakaona Satani achiwa kubva kudenga semheni. 19 Ndakupai simba
rokuti mutsike pamusoro penyoka nezvinyavada uye kuti mukunde simba
rose romuvengi; hakuna chichakukuvadzai. 20 Kunyange zvakadaro hazvo,
musafara nokuti mweya yakaipa inozviisa pasi penyu, asi farai kuti mazita
enyu akanyorwa kudenga."**

**Ruka 11:14,20-22 Jesu akanga achidzinga dhimoni raiva mbeveve. Dhimoni
rakati rabva, munhu uya akanga ari mbeveve akataura, uye vazhinji
vakashamiswa nazvo. 20 Asi kana ndichidzinga madhimoni nomunwe
waMwari, ipapo umambo hwaMwari hwavika kwamuri. 21 "Kana munhu
ane simba, akanyatsoshonga nhumbi dzake dzokurwa, akachengeta imba
yake, pfuma yake inochengetedzeka. 22 Asi kana mumwe ane simba
akamurwisa uye akamukunda, anomutorera nhumbi dzokurwa dzaanga
achivimba nadzo agogova zvaanenge apamba.**

**Ruka 13:32 Akapindura akati, "Endai munoudza gava iro kuti, 'Ndichadzinga
madhimoni nokuporesa vanhu nhasi namangwana, uye pazuva retatu
ndichapedzisa basa rangu.'**

**Johani 14:12 Ndinokuudzai kuti, ani naani anotenda kwandiri achaita
zvandanga ndichiita. Achaita kunyange zvinhu zvikuru kupfuura izvi, nokuti
ndiri kuenda kuna Baba.**

**Johani 17:15 Munyengetero wangu hausi wokuti muvabvise panyika asi kuti
muvalzivire pane akaipa.**

**Mabasa aVapostori 10:38 zvokuti Mwari akazodza sei Jesu Kristu weNazareta
noMweya Mutsvene nesimba, uye kuti akapota sei nenyika achiita
zvakanaka achiporesa vose vakanga vari pasi pesimba radhiabgori, nokuti
Mwari aiva naye.**

Mabasa aVapostori 16:17,18 **Musikana uyu aitevera Pauro nesu, achidanidzira achiti, "Varume ava varanda vaMwari Wokumusorosoro, vari kukuudzai nzira yoruponeso."** 18 Akaramba achiita izvi kwamazuva mazhinji. **Pakupedzisira Pauro akashushikana zvikuru zvokuti akatendeuka akati kumweya uyu, "Muzita rajesu Kristu ndinokurayira kuti ubude maari!" Nenguva yakare iyoyo mweya wakabva maari.**

Mabasa aVapostori 19:11,12 **Mwari akaita mabasa anoshamisa kubudikidza naPauro, 12 zvokuti kunyange nehangachepfu namaapuroni akanga ari pamuviri wake zvakaendeswa kuvarwere, zvirwere zvavo zvikaporeswa uye mweya yakaipa ikabva kwavari.**

Mabasa aVapostori 26:15-18 "Ipapo ndakati, 'Ndimi aniko, Ishe?' "Ishe akapindura akati, 'Ndini Jesu waunotambudza. 16 Zvino chisimuka umire netsoka dzako. Ndazviratidza kwauri kuti ndikugadze somuranda uye sechapupu chezwawaona kwandiri uye nezvandichakuratidza. 17 Ndichakununura kubva kuvanhu vokwako uye kubva kuvaHedheni. Ndiri kukutuma kwavari 18 kuti usvinudze meso avo nokuvadzora kubva kurima kuti vauye kuchiedza, nokubva musimba raSatani kuti vauye kuna Mwari, kuti vagamuchire kanganwiro yezvivi uye vawane nzvimbo pakati paavo vakaitwa vatsvene nokutenda kwandiri.'

VaRoma 16:20 Mwari worugare achakurumidza kupwanya Satani pasi petsoka dzenyu. Nyasha dzalshe wedu Jesu ngadzive nemi.

2 VaKorinde 2:11 kuitira kuti Satani arege kutinyengera. Nokuti mano ake tinoaziva.

VaGaratia 1:4 akazvipa nokuda kwezvivi zvedu kuti atisunungure kubva munyika yakaipa yazvino, maererano nokuda kwaMwari Baba vedu,

VaEfeso 4:27 uye musapa dhiabbori chinzhimbo.

VaEfeso 6:11 Shongai nhumbi dzose dzokurwa nadzo dzaMwari kuti mugogona kumira muchirwa namano adhiabbori.

2 VaTesaronika 3:2,3 Uye munyengetere kuti tirwirwe kubva pano wakaipa, nokuti havasi vose vanotenda. 3 Asi Ishe akatendeka, uye achakusimbisai nokukudzivirirai kubva kunowakaipa.

2 Timoti 2:26 uye kuti vachapengenuka vagopunyuka kubva mumusungo wadhiabbori, akavaita nhapwa kuti vaite kuda kwake.

2 Timoti 4:18 Ishe achandirwira kubva pakurwiswa kwose kwakaipa uye achandiuyisa murugare kuumambo hwake hwokudenga. Kubwinya ngakuve kwaari nokusingaperi-peri. Ameni.

1 Petro 5:8 Muzvidzore uye musvinure. Muvengi wenyu dhiabbori anofamba-famba achiomba seshumba inotsvaka waingadya.

1 Johani 4:4 Imi, vana vanodikanwa, munobva kuna Mwari uye makavakunda, nokuti ari mamuri mukuru kuna iye ari munyika.

Pastor T. John Franklin

Church of Salvation, Healing, and Deliverance - COS-HAD.org